

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 134. stav (5) Poslovnika Skupštine Zeničko-dobojskog kantona-Novi prečišćeni tekst („Službene novine Zeničko-dobojskog kantona“, broj 7/12), Vlada Zeničko-dobojskog kantona, na prijedlog Ministarstva zdravstva, na 79. sjednici, održanoj dana 12.09.2012. godine, d o n o s i

ZAKLJUČAK

I.

Vlada Zeničko-dobojskog kantona utvrđuje Amandman II na Prijedlog Odluke o prenošenju prava i obaveza osnivača nad Javnom ustanovom Opća bolnica Tešanj, koji glasi:

„AMANDMAN II

U članu 4. Prijedloga Odluke o prenošenju prava i obaveza osnivača nad Javnom ustanovom Opća bolnica Tešanj riječi „prethodnu saglasnost“ zamijeniti riječima „prethodno mišljenje“.

II.

Zaključak sa obrazloženjem u kome su sadržani razlozi zbog kojih se utvrđuje podneseni amandman upućuju se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /12.

Datum, 12.09.2012. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Stručna služba Skupštine,

1x Ministarstvo zdravstva,

1x Općina Tešanj (putem ministarstva),

1x JU Opća bolnica Tešanj (putem ministarstva),

1x a/a.

OBRAZLOŽENJE

U članu 66. Zakona o zdravstvenoj zaštiti („Službene novine Federacije Bosne i Hercegovine“, broj: 46/10) utvrđen je postupak imenovanja direktora na način da direktora zdravstvene ustanove čiji je osnivač kanton imenuje upravni odbor, uz prethodnu saglasnost kantonalnog ministra, a direktora zdravstvene ustanove čiji je osnivač općina, upravni odbor uz prethodnu saglasnost općinskog načelnika.

Prenošenjem osnivačkih prava sa kantona na općinu, davanje prethodne saglasnosti na imenovanje direktora Opće bolnice Tešanj pripada općinskom načelniku.

U takvoj situaciji cijenimo da se umjesto prethodne saglasnosti učešće resornog ministra zdravstva u postupku imenovanja direktora može obezbijediti davanjem prethodnog mišljenja kantonalnog ministra.

Na ovaj način, te uz predstavnika ministarstva u upravnom odboru Opće bolnice Tešanj, moguće je ostvariti neophodnu i sasvim logičnu vezu resornog ministarstva i ove zdravstvene ustanove.